

gustav / May 14, 2014 12:36AM

[應當觀察：一切諸法，自本來今，性相空寂 ... 《無量義經．說法品第二》](#)

◎ 佛告大莊嚴菩薩及八萬菩薩言：「善男子！有一法門，能令菩薩疾得阿耨多羅三藐三菩提。若有菩薩學是法門者，則能疾得阿耨多羅三藐三菩提。」

「世尊！是法門者，號字何等？其義云何？菩薩云何修行？」

佛言：「善男子！是一法門，名為『無量義』。

菩薩欲得修學無量義者，應當觀察：

一切諸法，自本來今，性相空寂，無大無小，無生無滅，非住非動，不進不退，猶如虛空，無有二法。

而諸眾生虛妄橫計，是此、是彼，是得、是失，起不善念，造眾惡業，輪迴六趣，備諸苦毒，無量億劫，不能自出。」

～《無量義經．說法品第二》，蕭齊天竺三藏曇摩伽陀耶舍譯 ( [CBETA全文](#) )

P.S. 句讀自標。

---